



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.49. Constantinus Patriarcha Constantinopoli degradatus & capite plexus.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII. A. C. 767.

Cong. C. P.
L. IV. p. 150.

Mart. Rom.
28. Nov.

p. 523.

ciunt, ubi prius Ecclesia S. Pelagii Martyris steterat, quem locum deinde Imperator ad mortem damnatorum & paganorum sepulchrum esse iusserat. Postmodum ad Tyrannum reversi, quam strenue rem gessissent, referunt. Ille lætissimus ad mensam latrones invitavit, & horrendam lanienam per ordinem rei peractæ audiens magnopere ridebat.

S. Stephanus junior (ita enim nominatur, ut a primo hujus nominis Martyre discernatur) anno Salutis 767. vigesima octava Nov. nobilissimo Martyrio perfunctus est, annos natus quinquaginta tres. Atque ea die Ecclesia ejusdem memoriam colit. Porro pius ille Theodorus, qui partem cranii & cerebri collegerat, ad Monasterium beati Dionysii profectus has sacras Reliquias Abbati dedit, qui eas in Ecclesiæ Sanctuario secreto occultavit. Verum interjecto aliquo tempore Theodorus apud Imperatorem accusatus, quod Imagines adoraret, exilio mulctatur, atque cum uxore & liberis in Siciliam Insulam ablegatur.

§. XLIX.

Constantinus Patriarcha Constantinopolitanus degradatus & capite plexus.

Eodem anno 767. sexta Octobr. Indictione sexta ineunte, Imperator Constanti-

stantinum Patriarcham e Principis Insula, exilii sui loco, Constantinopolim deduci iussit. Prius crudelem in modum casum, ita ut ingredi non valeret, in Ecclesiam S. Sophiae deferunt, & coram Sanctuario, in loco, qui *Solea* dicebatur, sedere cogunt. Aliquis Imperatoris acretis apud illum erat tenens manuum lumen, in quo ejus crimina erant adnotata, eaque praesente omni populo & Patriarcha Niceta in Throno suo sedente praeegebat, & ipse Notarius praeelegens ad singula accusationis capitula libro Constantini faciem pulsabat. (*) Ambo- nem deinde conscendere iussu, missi a Niceta Patriarcha Episcopi Pallium detrahunt. Ipse condemnatum anathematizavit; quibus peractis Constantinus retro gradiendo Ecclesia exire adigitur. Hic videmus exemplum Degradationis, quae poenam capitalem praecedere debebat.

Y 3

Postera

(*) Quae fuerint haec crimina, Cardinalis Baronius nos docet his verbis: *Hic quidem, quam secreto acceperat ab Imperatore, ipsius impietatem, qua negabat Christum Deum, ejusque Matrem esse Deiparam nominandam, loco vindictae, id ipsum in Insula ubi relegatus fuerat, omnibus propalavit (ut Cedrenus & alii tradunt) quamobrem evocatus Constantinopolim; quas iussus sit poenas dare, luereque supplicium, ita Theophanes narrat &c.*

Saecul. VIII.
A. C. 767.
Theoph. an.
27. p. 371.
Cang. C. P.
III. c. 2. n. 73.

Conhes. not.
in Theoph.

Sæcul. VIII. Postera die cum ludi Circenses agerentur, raserunt faciem ejus, & denudaverunt genas, capitisque & superciliorum pilis ablatis indutum habitu laneo sine manicis asino imposuerunt, averfa facie caudam animalis manibus suis tenentem. Ita miserum in toto Hippodromo circumducunt, cuncto populo imprecante illi mala, & conspuente. Asinum vero trahebat Constantinus nepos ejus, cui nasum reciderant. Ubi ad metam pervenerunt, in qua equi sistebant, de asino dejiciunt, collum ejus calcibus proterunt. Tandem considerare jussum populus usque ad ludorum equestrium finem irrisit.

Hist. miscel.
L. XXII.
p. 721. Decima quinta ejusdem mensis Imperator missis ad Patriarcham Patriciis significari jubet: *Quid dicis de Fide nostra, & de Concilio, quod coegimus?* Tunc infelicissimus hominum sperans, Imperatorem placari posse, respondit: *Bona est Fides tua, & legitimum fuit Concilium.* At illi: *Hoc est, quod ex ore tuo polluto audire cupiebamus. Nunc igitur abi ad tenebras, & anathema esto.* Mox lata in eum sententia, & in veteri teatro, quod Cinegium dicitur, ubi damnati ultimo supplicio affici solebant, gladio percussus est. Caput deinde auribus suspensum in foro Milii triduo, horrendum populo spectaculum, pependit.

vit. Cang. C.
P. Lib. II.
p. 108. Cor-

Corpus pede resti innexo per plateas tra-
 ctum in locum, quo capite plexorum
 cadavera mittebantur, projectum est, at-
 que etiam illuc post tres dies caput de-
 latum. Sic periit Constantinus Patriar-
 cha jubente Imperatore, cujus liberos
 duos, ipsi e tertia sua conjuge natos, e
 fonte sacro Baptismi levaverat; unde
 multo magis apparet Tyranni sævitia,
 quippe illa sacra cognatio tanquam fœ-
 dus spirituale habebatur, quod inter Pa-
 pam, & Regem Pipinum initum vidi-
 mus.

Sæcul VIII.
 A. C. 767.

Sup. n. 30.

§. L.

Necdum Persecutionis finis.

Ex eo tempore Constantinus Impera-
 tor majore insania in Catholicos de-
 bacchari cœpit. Missis, qui Petrum ce-
 lebrem Stilitem mandatis ipsius impiis
 non obtemperantem adducerent, ligatis
 pedibus vivum per civitatem raptari, &
 in locum a S. Pelagio dictum projici jus-
 sit. Alios faccis inclusos appensis lapi-
 dibus in pelagus mergi præcepit. Qui-
 busdam eruti sunt oculi, abscissæ nares,
 aut corpus verberibus dilaniatum. Con-
 stantinopoli Imperator suis ipse manibus
 in Orthodoxos sæviebat, itemque opera
 Antonii Patricii & Domestici, Petri Of-
 ficiis præpositi, militumque, quos suo
 errore imbuerat

Theoph. p.
 371.

In Provinciis vero
 Y 4 carni-